



Matayo 8



Haanuma ya bilo bibili, haab'o bughenu bwa kuswela mu tauni ya Kaana mu d̄is̄it̄ul̄ik̄it̄i ya Galilaaya. Nina Yesu naye akaba ali haa bughenu haala, kandi Yesu na beeghesebuwa be nabo bakaba bababilikiye kandi bali haa bughenu obu dhe.



Obu viini yaahooye, nina Yesu aamughila ati, "Viini eghi baabaagha nayo yaahooye." Nina wee aaghila abaaheeleliyagha haa bughenu obu ati, "Kyona akubaghambila haliikiyo mwakola."



Niibuwo Yesu aaghiliye abaaheeleliyagha aba ati, "Muusuliyiye maasi mu binagha ebi." Baaseesamu maasi baabijisuliyiye kidhi-kidhi. Niibuwo aabaghiliye ati, "Mutahe haa maasi haala, mutwalile mukulu wa bughenu buni." Baakola kuwo.



3

Obu mukulu wa bughenu obu aanooye maasi aghamaliye kufooka viini, ataamanya hambali viini eghi yaalughiye. Bhaatu baheeleliya abaatahiye maasi agha ebo bakaba bamaniye.




4

Niibuwo aabilikiye mugholi wa busaasa haakpengbu, aamughila ati, "Buli muntu oghu akukolagha bughenu, akudubhagha aha bantu viini eghi esemeleeye kimui, niikuwo bagheni be mbanooye eghi ekanije, aba naabaha eghi etasemeeye bhyani; bhaatu uwe kuhikiya n'endindi waabiikiye eghi esemeleeye kimui!"



5

Kini niikiyo kyabaaye kyakuswekaniya kyokudubha eki Yesu aakoliye kandi akakikolela mu tauni ya Kaana mu disitulikiti ya Galilaaya. Akakola eki kwoleka kitinisa kiye, ti beeghesebuwa be baamuhikilija.




6

Obu Yesu aakidhiye mu ka ya Peetelo, aabona njina mukaa Peetelo aalangaaye haa bulili alwaye muswija.



7

Yesu aaghenda, aakuma mukali oghu haa mukono, dumbi muswija ghwamukilil'o, aamuka aatandika kuteekela Yesu.



8

Lwagholo olu musana ni ghwakotiye, bantu baatandika kuleetela Yesu balwaye baabo boona, na bantu aba bilimu bikwete. Bantu b'omu tauni eghi boona beekumaaniliya hanja haa mulyango ghwa numba eghi.



9

Aakiliya balwaye bakaniye baa ndwala sya milingo yona, kandi aabhing'o bantu bakaniye bilimu. Taabisimilaniye kubugha na kantu, nanga bikaba bimumaniye ngoku ali Mwana wa Luhanga.




10

Bantu boona baabalagha kumukum'o, nanga maani aghaamulughaghamu ghaabakiliya boona.




11

Niibuwo basaasa bbanaa baasiye baheekiye musaasa aghenagheneewe, mbamuleetela ye.




12

Bhaatu, haabwa bantu kukanilamu kimui, tabaagubhiye kumukidhiyo Yesu.



13

Nahabweki baatobhola kihulu haa lusui lwa kisiika eki Yesu eegheeseliyaghamu, baakotelijamu musaasa oghu bamulangaaiye haa kalili ke.




14

Obu aaboone kuhikilija kwabo, aaghila musaasa aghenagheneewe oghu ati,
 “Mwana wanje, bibhi byawe byakughaniwe.”
 “Nkulaghiye, oomuke, okome kalili kaawe, weeghendele ewaawe!”



15

Yesu na beeghesebuwa be baaniina mu bwati baatandika kubhasuka luhande lw'eli lwa nanja. Niibuwo kyegha kyamaanj kyasiye kyabedungilisanija haa nanja ya Galilaaya.




16

Mighina yaatandika kusamba bwati obu. Bhaatu Yesu akaba alangaaye mu bwati obu aghwesaghiye.



17

Yesu aabaghila ati, “Mwobahiye nangaaki? Enuwe abali na kuhikilija kukee.” Niibuwo aamuqiye aatanuka kyegha eki hamui na mighina egghi, ti byona byabhonda, kandi nanja yaateekanilana kimui. Beeghesebuwa be aba baasweka kandi baabuulaniya bati, “Oni ni muntu wa mulingo ki? Kyegha na nanja nabiyo bikumuughuwa!”



18

Kumanya Luhanga naakundiye nsi, akahayo Mwana wee omui enkaha, niikuwo weena oghu akumuhihikilija atahwelekelela, bhaatu atunge bwomiji butahuw'o.



Balooma 3:23
 Nanga bantu boona bakasiisa, baalemuwa kuhika haa kitiinisa kya Luhanga.

Balooma 6:23
 Nanga mpeela ya kibhi ni luku, bhaatu kitembo eki Luhanga akuheelagha busa, ni bwomiji butahuw'o mu Kilisito Yesu Mukama waatu.

Bahebbulaayo 9:27
 Ti ngoku muntu ali na kukuwa mulundi ghumui, kandi haanuma y'eki Luhanga amutwile musango,

Beefeeso 2:8,9
 Enuwe mukahikilija mwajunuwa haabwa ngughuma sya Luhanga. Eki tamwakyekoleeye enuwe bonkaha, bhaatu ni kitembo kya Luhanga. Taabaaye kiyo haabwa bikoluwa byanu, nahabweki atab'o muntu n'omui oghu akwepanka.

Balooma 10:9,10

Kaakuba waatula na kanywa kaawe oti, “Yesu ni Mukama,”
kandi ohikilija mu mutima ghwawe ngoku Luhanga
aamuhumbuyye mu bakuyye, olijunuwa.

Nanga muntu akaakuhikilijagha aahiye haa mutima,
akubaluwagha kuba ahikiliye, kandi akaakwatulagha na
kanywa ke, akujunuwagha.

Yohaana 3:16,17

Kumanya Luhanga naakundiye nsi, akahayo Mwana wee
omui enkaha, niikuwo weena oghu akumuhikilija
atahwelekelela, bhaatu atunge bwomiji butahuw’o.
Nanga Luhanga taatumiyeye Mwana wee mumsi kughitwila
musango, bhaatu niikuwo nsi egubhe kujunuwa kukwamu
mu Mwana oghu.

21

1 Yohaana 5:11-13

Ti buukajiso niibuwo buni, Luhanga akatuha bwomiji
butahuw’o, kandi bwomiji obu buli mu Mwana wee. Weena
oghu ali na Mwana, ali na bwomiji obu. Bhaatu weena
oghu atali na Mwana oghu, taali na bwomiji obu. Bintu bini
naabihandiikila enuwe abahikilije liina lya Mwana wa
Luhanga, niikuwo mumanye ngoku muli na bwomiji
butahuw’o.

22

Matayo 8-9; Maliko 1-2, 4; Luka 4, 8; Yohaana 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: E. Frischbutter, Sarah S.

Lubwisi, Talinga-Bwisi NT (tlj) © (Active) Wycliffe
Bible Translators, Inc. All rights reserved.

<https://live.bible.is/bible/TLJWBT/MAT/1>

©2025 Bible for Children, Inc.

www.M1914.org www.bibleforchildren.org

23